



گاں

قُدرت سُن انسان کو پیدا کرنے تھیں پہلاں اُس دی آسائش ہو ر آرام
واسطے باقی کائنات کو پیدا کیتا۔ مثلاً زمین، پہاڑ، جنگلات، سمندر، دریا، ہاتھی،
اونٹ، کہوڑا، بکری ہو ر گاں وغیرہ۔

جس طراں اسیں کہراں بچ باقی جانوراں کو پال دے ہاں، اسی طراں
گائیں کو بھی کہراں بچ پالیا گیندا ہے۔ اسی واسطے اسیں اس کو پالتو جانور
آکھ دے ہاں۔

گاں نہایت ہی شریف ہو ر پہولا پہالا جانور ہے۔ حلیمی ہو ر شرافت
اسدی فطرت بچ گُٹ گُٹ کے پھری دی ہے۔ باوجود بڑے بڑے ہو ر

ترکھے سنگ ہونے دے ایہہ اپنے ہم جنس ہوور ساتھی جانوراں کو نیہہ ماردی۔
 گاں مختلف رنگاں دی ہوندی ہے۔ مثلاً کالی، سفید، نیلی، لال، سانولی
 ہوور برگی۔ اسدا تعلق مختلف نسلاں نال ہے مثلاً دیسی، جرسی، سندھی، ہالستر ہوور
 آسٹریلین وغیرہ۔

گاں دُنیا دے ہر اُس مُلک ہوور علاقے پنج پائی گیندی ہے جتھا
 چراگاہاں، رکھاں ہوور نیلے تلے تہ بیلے عام ہوون ہوور کہناہ وافر مقدار پنج میسر
 ہووے۔ مثلاً ہندوستان، چین، آسٹریلیا وغیرہ۔

گائیں کو ہندوستان پنج خصوصاً ہوور دُنیا دے باقی مُلکاں پنج بالعموم
 عزت دی نظر نال دکھیا گیندا ہے۔ تمام مذہباں دے لوک اسدا احترام
 کردے ہین۔ کیاں کہ اسدا دُدھ تمام دُنیا دے لوک پیندے ہین۔ لیکن
 ہندو لوک اس کو اپنی گاؤ ماتا آکھدے ہین۔ ساری دُنیا پنج گائیں کو بڑی
 اہمیت دتی گیندی ہے ہوور برصغیر پنج اس دی بڑی قومی اہمیت ہے۔

گاں ہک فائدہ مند جانور ہے۔ اس دا دُدھ مقوی غذا ہے۔ اسدے
 دُدھ تھیں پیئر دہی، کھنڈ، کلاڑیاں، مکھن، کڑان ہوور مختلف قسم دیاں مٹھائیاں

بنائی گیندیاں ہیں۔ اسدا بچھا بڑا ہو کے ہل با ہے دے کم ایندا ہے۔ گائیں
دے گوؤ دے دی بڑی اچھی کھا د بندی ہے۔

1۔ اوہکھے لفظاں نامطلب:

آسائش	:	آرام
پالتو	:	جس کو کھراں بیچ پالیا گچھے
وافر	:	زیادہ
مقوی	:	قوت والی۔ طاقت والی
بچھا	:	گائیں دا بچہ (نر)

2۔ مندرجہ ذیل سوالاں نے جواب دیو:

- (۱) گائیں کس کس رنگ دی ہوندی ہے؟
- (۲) گائیں دے نرنچے کو کہہ آ کھدے ہیں؟
- (۳) گائیں دے مادہ نچے کو کہہ آ کھدے ہیں؟

- (۴) گائے کناں علاقیاں بچ پائی گیندی ہے؟
- (۵) گائیں کو پالتو جانور کیاں آکھدے ہین؟
- (۶) گائیں دے کہہ کہہ فاندے ہین؟
- (۷) گائیں دے دُھا تھیں کہہ کہہ بندا ہے؟

3۔ خالی جگہاں کو مناسب لفظاں نال پھرو:

- ہل باہے۔ احترام۔ ہم جنس۔ گٹ گٹ۔ پالیا۔ نسلاں۔ مقوی۔ ساتھی
- (۱) شرافت اسدی فطرت بچ..... کے پھری دی ہے۔
- (۲) گائیں کو کھراں بچ بھی..... گیندا ہے۔
- (۳) تمام مذہباں دے لوک اسدا..... کردے ہین۔
- (۴) اسدا دودھ..... غذا ہے۔
- (۵) بچھا بڑا ہو کے..... دے کم ایندا ہے۔
- (۶) ایہہ اپنے..... ہوو..... جانوراں کو نیہہ ماردی۔
- (۷) اسدا تعلق مختلف..... تھیں ہے۔

